



Januari 2008

Meänkieli

Tämä oon Center-puolue

Center-puolueen politiikka perustuu siihen ette kaikila ihmisillä oon sama oikeus ja arvo. Riippumatta sukupuolesta, uskosta, seksuaalisesta taipumuksesta, eetnisestä eli sosiaalisesta taustasta sulla häätyy olla maholisuus saavuttaa omat tavotheet ja totheuttaa omat unelmat.

Met priuriteeraama:

työ ja yrittäminen: Ruottista pittää tulla yks niistä maista mailmassa jossa oon parhaat maholisuuet alottaa ja pyörittää yrityksiä. Meile oon tärkeää ette yrittäminen oon enämpi kannattavvaa eikä niin hankalaa. Met halvaama ette olis helpompi ottaa ihmisiä töihin ja ette niile jotka oon töissä, jääpi enämpi palkasta.

miljöö: Tulevaisuuessaki häätyy olla maholista pystyä uihmaan meän järvissä ja merissä, hengittämhään friskiä ilmaa ja nauttimhaan luonosta. Ilmastomuutokset häätyy ottaa vakavasti. Center-puolue halvaa ette uusissa biilissä saattaa käyttää vaihtoehtosia polttoaihteita. Ette ruoka jonka met tuotama oon terhveelinen ja vaaraton ja ette helpottasimma miljöö-ystävällistä ostamista. Se oon kerta kaikkiihaan oltava kannattavvaa ette pittää huolta luonosta.

uusittu hyvinvointi: Center-puolue halvaa ette sie itte saat määrätä enämpi omasta arkielämästä. Häätyy olla maholista saa valita hoito, koulu ja huolenpito. Pere häätyy itte saa päättää mitenkä heän lapset hoiethaan. Onko se kunnalisen esikoulun eli esimerkiksi vanhemitten koperatiivin kautta. Yksikhään lapsi ei saa jättää koulua ilman ette ossaa lukea, räknätä ja kirjottaa. Kaikki vanhuukset häätyvät itte saa päättää mitenkä het halvaavat asua ja mitä apua het tarttevat.

avoin ytheiskunta: Ruotti pittää suhtautua avomesti ja hyväntahtosesti ulkomailhmaan. Met otama selvän kannan avomuuen ja vaphauen puolesta. Vallatikki ko se vastustaa rasismia ja muukalaisvihhaa. Ytheiskunnassa jossa kontrolli lissäintyy, met halvaama taistella henkilökohtasen integriteetin puolesta.

Ministerit

Center-puolue oon 17 pv. syyskuuta 2006-vaalitten jälkhiin Ruottin kolmaneksi suuriin puolue ja meilä oon 29 valtiopäivä-eustajaa. Met olema hallituksessa yhdessä Moderaatitten, Folkpartin ja Kristdemokraatitten kans, ja center-puolueela oon neljä ministeriä.

Maud Olofsson oon puolueen puhheenjohtaja. Hään oon kans elinkeinoministeri ja vara pääministeri.

Åsa Torstensson oon infrastryktyriministeri.

Eskil Erlandsson on maatalousministeri.
Andreas Carlgren on miljöministeri.

Center-puolue EU:ssä

Center-puolueen EU-unelma on "kitasempi mutta terävämpi EU". EU joka keskittyy päätehtäviin – rauhan takkaaminen, kansanvälisitten rikoksitten vastustaminen ja työ pareman miljööön puolesta.

Lena Ek on Center-puolueen jäsen Euruuppa-parlamentissä. Hään on varsinainen jäsen teolisuus-, tutkimus- ja energia-utskotissa/valiokunnassa. Hään johtaa ALDE-ryhmää Euruuppa-parlamentin väliaikasessa ilmastomuutos-utskotissa/valiokunnassa.

Lue enämpi:

www.centerpartiet.se

www.sweden.gov.se

www.lenaek.se